

FR. VICTORII CARCANI VENETI,

FR. VICTORII CARCANI VENETI,

EPIGRAMMA.

Ad Reuerendissimum P. M. Taddeum Perusinum
 uniuersi Ord. Eremitarum D. Augustini
 Generalem vigilantissimum.

AD D A E E



AD D A E E atatis decus indelebile
 nostra

O Perusina urbis splendor, & Orbis
 honor.

Tollere iam magnum ipse tuum super æ-
 thera nomen

Percupio, & laudes concelebrare tuas.

Te duce sancta homines semper pietate vigeant,

Te duce iam recta nunc licet ire via.

Te duce pax aderit iam nobis, te duce dulcis

Consistet probitas, corrueat improbitas.

Vive diu Pastor, viuasq; beatius opto,

Si desint anni; sint tibi Nestorei.

Interea ne despice, dum grauiora parantur,

Nunc TADDAEE, meum quod tulit ingenium.



A j

REVERENDISSIMO

ATQUE AMPLISSIMO PATRI

Præsuli M. TADDAEO Perulino,

uniuersi Ordinis Eremit. S. Augu-

stini, Generali uigilantiss.

F. VICTORIVS CARCANVS VEN.

EIVSDEM ORDINIS S. D.



VI laborem, & industriam nemini, languorem, & ignauiam omnibus turpem esse dixit, na ille (Reuerendiss. P.) & dixisse verè, & praeclare sensisse mihi uideri solet: quid enim illis turpius, aut abiectius, qui otio, atque ignauia adsidentes, ita uita curriculum conficiunt, ut, veluti naues, nullum sui vestigium relinquant? & quis est, vel tam imbecillo ingenio, vel tam inops à iudicio, qui inertissimos homines eo ipso mentis munere, quo uno ceteris praestamus animantibus, dignos existimet? Equidem, cum illud in ore semper habuerim:

Τῆς ἀρετῆς ἰδρωτὰ θεοὶ προπαραίδεν ἔθνη καὶ
 Αἰσῶνται. μακρὸς δὲ καὶ ὄρεος οἱ μες ἐπ' αὐτὴν,
 Καὶ τρηχὺς τὸ πρῶτον, ἐπὶ δ' εἰς ἄκρον ἵκηται,
 Ρῆιδ' ἢ δ' ἡ πέτα πλεῖς χαλεπὴ περ ἔδσσα:

quo me primum die ad religionem contuli, nomenq; dedi in hanc laudatissimam D. P. N. Augustini sodalitatem, eodem die id mihi propositū fuit, id solū spectauī, eo direxi cogitationes meas, atque curas, ut otiosam, atque ignauam vitam, tanquam pestē teterrimam refugerem, ac semper exercerem ingenium, quod, tāquam

quam ager, si colitur, fructus reddit uberrimos, si negligitur ex-
 arefcit. Idcirco quantum datur mihi excepti, ac subseciui tempo-
 ris ab indagandis, & perscrutandis earum rerum causis, quibus
 inuentis statim nobis aditus aperitur ad cælestium bonorum co-
 gnitionem, eo ipse, quasi in amenisimum hortum diuertens, vel
 in ijs studijs, quæ sibi nomen ab humanitate asciuerunt, vel in ea
 philosophiæ partè, quæ Poesis appellatur, me exercere soleo: ut,
 præter id temporis, quo defatigatus laboribus, ac fractus, quietē
 querere soleo necessariam, hora nulla sit, quam non traducere co-
 ner in exercendis instrumentis ijs, quibus nil homini diuinius ab
 omnium parente Deo tributum est. Verum quoniam non sum ne-
 sciens, qui se studijs ita abdidissent, ut fructus ex eis haustos condi-
 ac domesticos intra parietes asseruari suissent, eos nunquam ma-
 gnopere commendatos, sæpe etiam ab excellentibus in philosophia
 viris reprehensos fuisse, propterea statui quantumcunque faculta-
 tis ad bene merendum, aut in omni, aut in maiori parte meæ vi-
 tæ mihi labores mei peperint, esse totum cum omnibus communi-
 candum. Cum igitur pauca ex multis Præpotentis Dei gloriosa,
 atque diuina facta exprimere tentassem, placuit eadem, non eo,
 quo quilibet utitur sermone, sed carminibus exponere: quæ cum
 typis edenda curaturus essem, tribus de causis mihi faciendum
 putavi, ut cum tui nominis inscriptione publicarem: primū quo-
 niam ego, quæ à tua humanitate officia proficiſcuntur, quo ani-
 mo, quā libenti quam grato excipiam, aliquo item officio, tū ipsi
 tibi, tum cæteris omnibus indicatum, maximeq; perspicuum esse
 cupio: deinde facile futurum putavi, ut, si laboribus meis tuæ be-
 nignitatis aura, quasi propitium numen adesset, neque in diffi-
 cultate, neque in scopulo mea hæreret industria: postremo quæ de

Deo loquuntur ad quem potius mitti æquum fuit, quam ad eum, qui cum illud vitæ genus complexus est, quod est totum in laudabili ratione, totum in præclaris cogitationibus, & factis constitutum; cum vero auersus penitus est à studijs rerum humanarum, eaq̃ contemnit, quæ cæteris admirabilia videntur, totius in una virtute defixus, & diuinam consuetudinem, quantum humana conditio ferat, imitatur? Vere enim hoc dicam, Amplissime Pater, cum tua semper fuerit bene agendi perpetuitas, cum nihil in vita tua varium, nihil flexibile, nihil vulgare, nihil angustum, nihil, quod non cum ea, quam sustines, persona, idest, cum religione vere Christiana consentiat, homines cognouerint, cū denique oculos tuos non ad hæc humana, quæ sunt locorum, & temporum angustis sanè terminis circumscripta, demiseris, sed ad illa diuina suspicientes, beatam, immortalemq̃ vitam, & expecteris unam, & unam expetendam esse persuasum habueris: quæ tuæ vitæ instituta qui ignorant, mirantur scilicet, unde animi excelsi, atque inuicti robur illud, quod ne illa quidem ipsa, quam casus, & temeritas regit, fortuna ullo pacto poterit infringere: cuius impendentem vim ne pertimesceres, earum artium præsidio te muniuisti, quibus exculta mens letos, & uberes in omni fortuna, ferre fructus solet: hinc efficere conatus es, ut animi bonis, ingenijq̃ opibus abundares. Quis enim, si uerè & esse, & appellari diues potest, qui liberalium doctrinarum scientiam possidet, quod nemo eleganti iudicio, sanaq̃ præditus mente negabit, vel refellet, quis, inquam, Ampliss. P. te ditior est? qui cū in celeberrimis Italiæ Gymnasijs excuteretur, atque euolueretur funditus illa tua scrinia, in quibus conditi rerum antiquarum thesauri asseruantur, tam clare sese ostendis lumen animi, ingenij, consilijq̃

llyq; tui, ut iure optimo omnes te dignas artes, non ab alijs accipe-
 re, sed ex te ipse parere, & proferre uisus fueris. Omitto illa,
 quæ quæ paucis contingat omnia, ignorat nemo, excellentem in
 excipiendis litteratis hominibus humanitatem, summam in sub-
 leuandis benignitatem, singularem in audiendo facilitatem, sua-
 uem in respondendo lenitatem; egregiam in consuetudine fami-
 liarium comitatem, incredibilem in congressu; & sermone clari-
 rum, tuiq; similium virorum grauitatem, miram in oculis, habi-
 tu, gestu, toto denique corpore fidem: ut minime mirandum ui-
 deatur, si nominis tui fama, non ipsam tantum Romam, id est
 omnium Gentium celeberrimum theatrum, sed etiam Europam,
 quanta quanta est, ac penè terrarum orbem peruolat uniuersum,
 si & Oratorum, & Poetarum de te prædicantium uocibus au-
 res tuæ personant, si denique imaginem tuarum virtutum eter-
 nis excellentium virorum scriptis expressam, omnes intuentes cu-
 piunt imitari: multa prætereo, nec sanè de tuis laudibus uolo mul-
 tus esse, ne uidear hoc suscepisse, ut eas celebren: quarum magni-
 tudini non ab adolescente par adferri posset orationis genus, sed
 ne omnes, qui ubique sunt, eloquentissimi homines si communi stu-
 dio ad eas celebrandas quidquid habent in dicendo uirium con-
 ferrent, aliquid earum amplitudine dignum dicerent. Sed ut,
 unde digressus redeam, carmina hæc, quando ratio ipsa postulat,
 uel, ut ἱμακτικότερον dicam, iure quodam suo exigit, tibi inscri-
 pta, atque dicata emitto: sic enim fiet, ut meæ obscuræ lucubra-
 tioni, clarissimum lumen, **T ADDAEI NOMEN**,
 apponatur. Illud uerò abs te peto, ut (quandoquidem ego me tibi
 quantus quantus esse possum totū addico) φιλόφρωνας, & φιλοσφους
 me complectaris, planèq; in clientelam tuam, atque adeò in sinū,

æque, ac obsequentissimum filium suscipias, susceptum tuearis,
ac foueas, ita tamen, si me tuo præsidio, ac studio dignum, id est,
meum ingenium in præstantissimarum artium studijs exercen-
tem, & audies, & re ipsa cognosces. Quod ego si assequor, ne il-
lud prolixè, per liberaliꝝ animo & polliceor, & non dubitanter
adfirmo, si quid aut iam est in me facultatis, aut erit aliquando
ijs, quæ fessos curis animos leuant, hominesq; paullatim ab homi-
ne separant, studijs partum, & uigilijs, quandiu uita fruar, uel-
le me id totum quidquid erit, & quantumcunque erit (ipso, qui
optimarum, & maximarum auctor, perfectorq; rerum est, Deo
opem ferente) tuæ laudi seruire. Vale. Venetijs.

Ex D. Stephani. Kalend. Dec.

1 5 7 8.

XXXXXXXXXXXXXXXXXXXX

12

F. VICTORII CARCANI VENETI
ORDINIS EREMITARVM D. AVGVSTINI
Del Carcani
TRIUMPHVS DIVINI
AMORIS

Ab eo memoriter pronunciatus die festo Pentecostes, in celeberrimo, ac florentissimo Gymnasio Diui Stephani.

M. D. LXXVIII.

XXXXXXXXXX



ANGITE Castalides, vocales tangite chordas,

Paucaq; de multis iam facta referte Tonantus:

Adsitis, molli & paulum confidite in herba;

Ac mecum queso lepidos contexite versus,

Versus, obscuret quos non longeva vetustas:

Tempora frondenti mihi late cingite lauro,

Lauro, qua sacros Vates ornare soletis:

Huc properate, & dulcisonos voce editae cantus,

Cantus, qui insolita Divos dulcedine tangant:

Scilicet aduenit tandem mortalibus aegris

B

Illa dies rubicunda, nitens, gemmata corusca,
 Expectata diu, totumq; optanda per orbem,
 Illa dies nobis, albo signanda lapillo
 Spiritus è cælo qua sanctus mittitur alto.
 Vos quoque cælicolæ magni adspirate canenti,
 Cum videatis non tantum mihi roboris esse,
 Egregias **CHRISTI** ut laudes extollere possim,
 Cæleste auxilium mihi claro mittite olympos.
 Tuq; ò summe Pater, quem sydera cuncta tremiscunt,
 Huius principium, & finis tu carminis esto;
 Dexter ades quæso (si non indebita posco)
 Accipe latitiam Mundi Paena canentis,
 Excipe tu nostros grato cum munere cantus;
 Et quoscunque tuo feci iam nomine versus:
 Aptæ tuo huic operi, quæso mihi suggere verba;
 Sit mihi mellitæ suavisissima gratia linguae,
 Expressere ut possim præclaro carmine tanta
 Gaudia, quæ longum sunt duratura per ævum;
 Quid si deficient vires, Dominator olympi,
 Ne mea, fac saltem, sit contemnenda voluntas:
 Threiciam mihi nam citharam si Musa dedisset,
 Nunc celebres tibi cantaret mea fistula laudes;
 At quodcunque tamen citharæ pulsator Apollo
 Concedit mihi, quidquid id est, tibi seruiet omne.
 Vos Patres audite meas, quas pandere voces,
 Nunc iubet omnipotens; imoq; recondite corde:

Nam

Nam meditor magnam breuibus rem pandere dictis.
TANGITE Castalides, vocales tangite chordas.
Paucaq̃ de multis iam facta referte Tonantis.

Ille Opifex Mundi (quò prima exordia rerum
Altiùs euoluam) cunctisq̃ antiquior Annis;
Primus, qui Matri commisit semina Terræ,
— Aequora qui mulcet, celi qui temperat Astra.
Cui neque principium est vsquam, nec finis in ipso,
Cui Terra, tractusq̃ Maris, cælumq̃ profundum
Parent, ex nihilo ante nihil qui cuncta creauit,
Atque eadem semper Diuina mente gubernat;
✓ Ille super Terras Paradisi dulcis in hortis
✓ Per loca primæuum spatiosa locauit Adamum;
✓ Ac iubet illi ne pomum decerpit: at ille
(Nam nos inuictum uehimur, cupimusq̃ negata)
✓ Iam videt hoc, visumq̃ cupit, potiturq̃ cupito:
Protinus & ceca, magnaq̃ cupidine ductus,
Iussa recusans, tunc voluit transcendere fines,
Sanctaq̃ despiciens cari mandata Parentis,
Ipse sacrosancta lacerauit vincula legis.

TANGITE Castalides, vocales tangite chordas,
Paucaq̃ de multis iam facta referte Tonantis.
Hinc Deus omnipotens iusta correptus ab ira,
Qui tumefactos semper vertit, & urget ad ima,
Et mites, humilesq̃ animo qui tollit ad auras,
✓ Præcipitem ipse Hærebum illum deturbauit in imum,

Et tristes sine luce Domos habitare coegit,
 Hinc ne cuam nobis genuit mortalibus escam,
 Hinc sese miser ipse, suos ac perdidit omnes,
 Abijciens crude sub tristia vincula mortis:
 Omnia at ipse potest quamuis: sed fallere nunquam
 Qui sua præcipuo venerantur numina cultu;
 Propterea ipse suam iram tunc demisit; Ut ille
 Protinus in superas posset conscendere sedes;
 Atque breui fore præsidio se tempore dixit;
 Atque daturum se requiem, certamq; salutem,
 Neve putesis me fari mendacia: namque
 Permulti Iusti, ac Sancti cecinere Propheta
 Veridici, & Vates præfuga mente canebant,
 Verbum, quo Omnipotens magnum construxerat Orbem,
 Vera caro ut fieret, venturum, prorsus Adamum
 Solueret ut prisco damnatum crimine Patrem;
 Atque viam omnibus ad cælestem sterneret Aulam,
 Omnes & vires serpentis frangeret Afri:
 TANGITE Castalides, vocales tangite chordas
 Paucaq; de multis iam facta referte Tonantis.
 Impia gens vero, nostriq; ignara parentis,
 Semper ad immanes mores tunc ipsa recurrens,
 Inclita cælipotentis caput spernere templa,
 Templa, solebant rite quibus iam imponere dona,
 Ac Sanctam violare fidem, nitidumq; lauacrum.
 Quo circa Deus, ætherei regnator olympi.
 Ipse viros misit multos pietate nitentes,

Rite

Rite fidem qui sinceram, rectumq̃ colebant,
 Ut regerent stultum populum, gentemq̃ nefandam,
 Atque viam rectam monstrassent tramite paruo,
 Quæ tunc posset ad hunc, recto contendere cursu,
 Exponerentq̃ bonum summum quo tendimus omnes.

TANGITE Castalides, vocales tangite chordas
 Paucaq̃ de multis iam facta referte Tonantis.

Sed nil istis, nil monitus, præceptaq̃ profunt:
 Namque illos, tamquam genus execrabile, scuis
 Supplicijs torquentes, tormentisq̃ sequuntur.
 Eset Adamus, sed cælo cum pulsus ab alto;
 Infelix lugebat homo, nec iam vlla regressus
 Spes erat, aut iterum visendi limina cæli
 Amissi, ni vera Dei, & certissima Proles
 Aethereo delapsa Polo, moribunda subisset
 Membra hominum, mortiq̃ ultro occubisset acerbæ;
 Humanamq̃ sua pensaret morte salutem,
 Claustraq̃ tristis ferrea confrigisset Auerni:
 Ergo patrum se cum latebroso à carcere turba
 Maxima protinus ereptam vinclisq̃ solutam
 Ipsa vidisset: tunc oculos ad sydera blandos
 Extulit: & cælo palmas cum voce tetendit,
 Atque Deum implorans mesto sic pectore caput:
 Magnè hominum, Diuumq̃ parens, ò maxime Mundi
 Arbiter, humanum tu qui genus omne gubernas,
 Inruba quem Sanctis Virgo complectitur vlnis,
 Surge, age, rumpe moram longam spoliator Auerni,

Quem tibi certum est mittere iam nunc mittito quaeso:

Fundere nec patere hac nos tu verba irrita ventus;

Vmbrarumq; domos; obscuraq; regna subire:

Numine sed cunctos potius nos accipe fausto:

Namq; sumus sine te, veluti ssoliata Magistro

Instabilis volitans ventosa per aquera cymba.

Ergo Pater precor, heu nostris nunc annue votis,

Vt tandem intacti picea Phlegetontis ab unda,

Post obitum aeterna mereamur premia vite.

Hac ubi dicta dedit, finem dedit ore loquendi.

TANGITE Castalides, vocales tangite chordas,

Paucaq; de multis iam facta referte Tonantis.

Quamuis Regnator foret irritatus Olympi;

Primitus edictum quod iam uiolasset Adamus,

Cum absque metu uetitum decerpssit ab Arbore pomum,

Pomum, Tartarei quod fert Acherontis ad undas;

Tunc tamen (est etenim diuum placabile Numen)

Ne genus humanum subter penetraret Auernum,

Calis sed potius claram reuocaret ad aulam,

Et nos eriperet diri de faucibus Orci;

Mitteret & Satanam tenebrosa in Tartara; natum

Tunc nobis ipsum Caelo demisit ab alto:

Quem voluit nostro humano de sanguine nasci:

Syderea hic puram per noctem in luce refulgens,

Mortalis dignatur late corporis huius

Disimiles perferre modos, hominemq; subire,

Passus corporea est mundum uestire figura,

Affariq;

Affariq; palam populos, hominemq; fateri;

Tollit mortales pretioso sanguine culpas;

Eripit & nostræ uitæ crudele uenenum:

Nudatur nunc, ut nudus uelamina donet,

Vt nos iam ditet, pauper prodire uidetur.

Hic docet immundas omnes extinguere sordes,

Semper quæ medio nos fixæ in pectore torquent.

Hic docet, & præmonstrat iter, callemq; recludit,

Qui latè nos possit ad altum ducere Olympum:

Hic docet Inferni cognoscere tristia mundi,

Dulcia & ætherei cognoscere gaudia cali:

Hic docet & nitido uenerari numina cultu,

Atque tenentes nos animum, mentemq; pudicam)

Omnipotentis sectari uestigia CHRIST I.

Denique dum nostro hic iam uitam duxit in orbe,

Atque tenebroso tenebatur carcere clausus,

Horæ uix unam potuit requiescere: namque

Tormentis (uisu horrendum) grauioribus illum

Ipse sequuta est iam præceps gens, atque nefanda.

TANGITE Castalides, vocales tangite chordas,

Paucaq; de multis iam facta referte Tonantis.

Cum suprema sua profulserit hora propinqua

Mortis, sydereum rutilantes ipse repente

Ad cælum extollens oculos, mox talia fudit:

O Pater omnipotens, Diuum tu maxime Rector;

Quem Reges tenebrarum iam metuere superbi,

Ecce meam tibi reddo animam, tu suscipe queso

Nunc illam egredientem, tu complectere Patris
Amplexu; his orat dictis; nec plura loquutus:
Occubuit, corpusq; dedit mortale sepulchro.
Tunc subito in plures finduntur marmora partes,
Protinus & summus tremuerunt motibus auras;
Terraq; concussis statim ruit ipsa latebris.

TANGITE Castalides, vocales tangite chordas
Paucaq; de multis iam facta referte Tonantis.

Interea ipse repente (Patres id credite) nigra
Prorsus ad Inferni descendit claustra profundi:
Quem venientem plausibus excepere frequentes
Sancti, qui stabant obscura in nocte sepulti,
Quorumque hic meriti semper celebrantur honores;
Sed quali exceptum plausu nos credimus, & quas
Laetias (Patres) & gaudia quanta fuisse?
Nullius ipsa quidem nunc possent voce referri:
Nam grates CHRISTO reddebant rite Tonanti;
Blandaq; mellifluo modulantes carmina cantu,
Omnes attonita laudes sibi mente canebant.

TANGITE Castalides, vocales tangite chordas,
Paucaq; de multis iam facta referte Tonantis.

¶ Venerit at post cum lux eius tertia mortem;
Statim vitales iterum est reuocatus ad auras:
Nam, illos aspiciens placido tunc lumine cunctos,
(Ac simul ab nigris discedens ipse Tenebris,
Lucida pendentis penetrauit sydera caeli)
Eripuit, regniq; in partem, operumq; recepit.

Tunc

Tunc tremuit nemus, & sylva tremuere profunda,
Totaq; quassa fuit magno cum murmure Tellus:
Gaudia quæ fuerint (Patres) quæ iubila cælo,
Nunquam voce mea possent ea cuncta referri.

TANGITE Castalides vocales, tangite chordas,
Paucaq; de multis iam facta referte Tonantis.

Nec mea vana refert, Patres, mendacia lingua,
Credite, vera cano, nil quicquam carmine fingo.
Nam splendente die, tenebrisq; à sole fugatis,
Cum ruber astringero procedens Vesper Olympo,
Albenti viridas radiaret lumine terras,
Redderet, & letè iam lumina viuida rebus,
Tunc statim Cleopha, Magdalenæq; Maria
Sacrum CHRISTI percipientes ungere corpus
Frigidulos udo singulis ore cientes.

Eius mæstum pura mente adiere sepulchrum.

TANGITE Castalides vocales, tangite chordas,
Paucaq; de multis iam facta referte Tonantis.

Hinc (veluti ad Terram decurrens ignea lampas)
Nuncius ipse repente est cælo missus ab alto:
Candida erat, Patres, tunica (nil fallor) amictus;
Illis seq; dedit matronis ipse videndum.
Quem simul ipsæ conspexissent protinus atra
Iam formidine concussa, suspiria, & altos
Ægris cum lachrymis gemitus tunc sponte trahabant:
Prorsus & attonitæ trepidum sensere timorem.

C Nuntius

Nuncius interea illas miti satur amore;
 Tristia lugentum, atque accendit pectora matrum,
 His liquidas imo fundens è pectore voces.
 Atrum comprimite horrorem, trepidumq̃ timorem.
 Amplius haud hic nunc est, quem (mihi credite Matres)
 Vos petitis; CHRISTVS tenebrosis ipse profundis
 In vitam redijt clemens Acherontis ab umbris:
 Propterea late procul hinc discedite: namque
 Liber ob Inferni est tenebris horrentibus Orci:
 Ite igitur: vos nam in Galilea regna praebit.
 Ite; & discipulis eadem haec date nuncia dulcis
 Laetitia, Orbis qua totus gestire videtur.
 Hec hylaris postquam blando Angelus edidit ore,
 Tunc mulieres humectentes grandibus ora
 Planctis, caperunt Orbis penetrare latebras.
 TANGITE Castalides, vocales tangite chordas,
 Paucaq̃ de multis iam facta referte Tonantis.
 At postquam ipse parens Divum, Rectorq̃ supremus,
 Inferni domitorq̃ Herebi, mundiq̃ Redemptor
 Vera Dei aeterni proles, aequa q̃ Patris;
 Iugiter astrigeros aditus mortalibus agris
 Pandere cui datur, atq̃ iterum praecludere eosdem,
 Aetere delapsus latuit Genitricis in alno
 Ipse Maria, & tunc vagitibus impulit gyras
 Vitales, dehinc Vir iam nudus in arbore; Pandens
 (Perpetuus voluit Pater hac ratione vocari.)
 Confessus

Cuspide uulnifica fixas palmasq̃, pedesq̃
Latrones inter seuos pro fontibus insons
Mortem obiit (scelus infandum) iam prorsus acerbam,
Addictos truculenta ut nos iam morti, & iniquo
(Namq̃ erat humanum genus olim è sede beata
Deiectum, & nemoris sælici limine pulsum)
Subiectos Sathana redimat proprij ære cruoris;
Ac tandem erepti ex uinclis, & carcere caco,
Possemus clari conscendere culmina Celi:
Discipulorum conueniens tunc ipsa cætera
Paupere sub tecto, sublimi in monte recumbit:
Hinc precibus CHRISTVM oraret dum rite tonātem
(Tertiam & orbita iam cursus produxerat horam)
E calo descendit spiritus ecce repente,
Ipse sono horrendoq̃, Domum implens, protinus omnes
Discipuli attoniti vario sermone volutant
Inter se, quibus auspicijs, quoue ordine vitam
Instituant, simul ambigua, & diuersa loquentes.
TANGITE Castalides, vocales tangite chordas,
Paucaq̃ de multis iam facta referte Tonantis.

Interea omnipotens (stulta ut tota agmina gentis
Præceptis, legumq̃, sacro munimine firment,
Et CHRISTI cultum simul & pia numina monstrent)
Tunc ultro Dominus dictis sic satur amicis:
Ite, novos ritus, leges vitæq̃ salubres,
Nunc ostendite vos, templisq̃ reponite honores.

C 2 Ite,

*Itē, atque omnes ad meliora reducite cunctos
Iam Populos, condentos uos felicia sæcla,
Edite iam Populis uera præcepta salutis:
Itē, & callis iter desueti pandite rectum,
Lucida qui clari vos Cæli tollat ad astra:
Fingite dura hominum uestris uos pectora dictis,
Currite iter certum, totaſq; intendite vires;
Cæleſtiq; hærete Duci, nunc ite frequentes;
Atque oſtendite iam Genti veſtigia ſacra.*

TANGITE Caſtalides, vocales tangite chordas,
Paucaq; de multis iam facta referte Tonantis.

*Hinc ubi leges immenſi dominator Olympi
Deſerre ad Populos iuſſit, monituſq; ſalubres;
Integra diſcipuli amplectentes iuſſa Tonantis,
Unum iam ante oculos, unum iam corde tenentes.
Rite Deum, conſtantes in pietate manentes,
(Hos etenim ille Sator rerum, & mens certa Parentis,
Fulgida qui ſolo moderatur ſydera nutu,
Infundens illis uera pietatis amorem,
Clari è ſuprema Cæli ſpectauerat arce)
Spernere ceperunt peritura gaudia uitæ
Gaudia letæ & uitæ ſumma perennis amara:
Diſcuſſa & rerum caligine, protinus omnes
Hac monita, hæc leges, hæc iuſſa, hos denique mores
Ceperunt hilares complecti pectore toto.
Ocyus atque omnes alienas ire per oras.
Ætereî, mox mente parant mandataq; Regis*

(Prorſus

(Prorsus erant pietate graui, linguaq; potentes)

Iam cunctis populis late deferre per orbem.

TANGITE Castalides, vocales tangite chordas,

Paucaq; de multis iam facta referte Tonantis.

Tum verò Castella inuisunt ardua lati,

Formantes sobolem cælestis dogmate Verbi,

Dogmate, quod semper sincero est corde tenendum.

Insuper ignotos montes, tractusq; peragrant,

Diuino eloquio **PATRIS** mandata canentes.

Hinc lustrant humiles pagos, atque alta frequentant

Mœnia, (corda hominum monitis cælestibus ipsi

Implentes) sparsos populos lato ore salutant:

Horrificis demum ostendunt quam seua sub umbris

Supplicia expectent sontum miserabile vulgus,

Et quam dulcia longæ expectent gaudia vite,

Affulsit quibus è cælo spectabile lumen;

Quique Policiipiunt sedes intrare quietas.

TANGITE Castalides, vocales tangite chordas,

Paucaq; de multis iam facta referte Tonantis.

Ibant sydereum Regem, Diuosq; canentes;

Atque docentes tunc virtutis iter simul omnes,

Talia melliflūo fundentes verba liquore.

O populi ne spernite nos mandata ferentes

CHRISTI, illæsa animo quæso seruate sub imo

Consilia, & nostris parete hortatibus omnes:

Proh, vestrum scelerata urgent quot crimina pectus?

Cernitis, heu, Vos pestifera quam labe notatos?

Vestra

*Vestra tumescunt nunc epulis dum viscera lautis,
 Illis mens oppressa, nihil tunc cogitat altum:
 Et freno ut pugnator equus parere recusat,
 Spiritui ipsa caro infert sic terribile bellum:
 Ipsa cibo sed subtracto constringitur: atque
 Morigeram se spiritui præbere videtur,
 Sublatamq; acri repetit certamine palmam:
 Qui tunc, expurgatus ab omni sorde, repente
 Lucida se Cæli tollit stellantis ad astra:
 Servator legis, legis dator, altus Olympi
 Rite dies iam corporea Rex CHRISTVS ab esca
 Bis binos decies tunc abstinuit: modo iam vos
 Ipsum sponte sequi fas & servare necesse est.
 Omnibus obnuite, heu, rebus servite caducis:
 Temnite opes, aurumq; nocens, contemnite honores;
 Namque latet saevus uiridi sub gramine serpens,
 Atque lupum ipsa regit rabiosum pellis ovina:
 Sylva non tot habent frondes, tot litus arenas
 Aetnei ignis, credite, non tot summa favilla
 Ardentes volitant Cæli per nubila; honores
 Quot fucis hominum titillant pectora vani:
 Non tot acerbi sunt dumeta per aspera vepres:
 Diuitia exta prement hominum quot uepribus ample.
 Vestra igitur celeratis quo uestigia quaeso?
 Dicite, quo vos iam cæcos furor impius urget?
 Impatiens quo præcipites deuoluit Erynnis?
 Rite omnes veniam factis exposcite vestris,*

Rite

19
 Rite animos purgate; & mentem uertite Celo,
 Celo, ubi grata manet requies, spesq; ultima nostra.
 Rex etenim ille hominum, magni Patris una propago,
 Floribus exornat qui versicoloribus egros,
 Educat & cunctas animalia cuncta per oras,
 Ille quidem late vos celi extollet ad altas
 AEtherei sedes, & tuta sistet in arce:
 Quis vestrum, quis erit deiectus corpore tantum,
 Ut nolit tutam uitae sperare salutem?
 Dicite vos queso, iam dicite nonne paratus
 Est Deus immensis portas recludere Celi?
 Non equidem sic complectuntur amore parentes,
 Filium, ut ipse suos affeclas mulcet amore.
 Dulcis eis etenim memorabile pignus amoris
 Linquere percupiens hylari agno pauit, & illis
 Lauit sponte pedes, latiusq; hylarisq; repente
 Ipse capit panem (sustollens lumine cælo)
 Hunc benedicens, & confringens frustra per aqua,
 Talia mellisfluo fundebat uerba liquore.
 Viua caro iste mei sit vobis corporis huius:
 Hunc edite, & vestri memores estote Magistri:
 Inde libens sumit calicem benedicit, & ipsum
 Affeclis dans, sic declamans ore profatur:
 Hunc libate omnes socij, hunc vos tollite: pane
 Isto etenim est melius nil vino dulcius isto:
 Hoc hilarat cor, nutrit & hic iam debile corpus.
 O quam fortis amor, per quam dilectio dulcis

Esca

Esca hominum en cæleste est factum manna caducum.
Hæc esca, hic potus semper mortalia corda
Perlucidæ ad nitidas perducunt ætheris arces:
Hæc esca, hic potus referabunt ostia cæli
Nobis; ni prauo maculemus crimine uitam:
Hanc escam, hunc potum indignè qui sumpserit ille
Ah miser, æterno circumdatus igne, sub imo
Terræ, pallentès Herebi ducetur ad umbras.
Hanc escam, hunc potum castè qui sumpserit ille,
Ille sinu patris blando super æthera fulget.
Eia agite ò socij promissis fidite PATRIS;
Dicite, nonne piè iam fudit talia uerba.
Ingemet in quacunque hora peccator iniqua
Crimina, tunc illi iam prorsus cuncta remittam?
TANGITE Castalides, vocales tangite chordas,
Paucaq; de multis iam facta refertæ Tonantis.
Credite, nec illos umquam spreuere, sed omnes
Latitia exorti, plausuq;, & uoce sonora
Occurrunt illis uenientibus, atque repente
Illos excipiunt Turbæ, sanctosq; uerentur
Discipulos, fantes cælestia dicta Magistri.
Hinc extollentes geminas ad sydera palmas,
Nunquam desiscebant PATRI reddere grates.
Ætherei tandem Regis memorabile (Magno
Orbe pererrato) nomen fulgebat amatum,
Perq; Urbes; perq; arua enotans, perq; atria Regum,
Ac latè sibi tunc resonabat gloria passim.

Hinc

Hinc ipsa (audisset Regi memorabile nomen
 Cum Ætherei, nec non pridem facta incluta nosset)
 Ipsa quidem gens visa fuit, tunc protinus æque
 Imperijs assueta p̄ys, & legibus ipsis.
 Tunc redijt (pulsæ stq̃, superstitio vndiq̃ uana)
 Candida relligio multos neglecta per annos.
 Insuper omnes procumbentes poplite curuo,
 Atq̃ extollentes oculos, pariterq̃ supinas
 Ad Cælum palmas rutilum, auxiliumq̃ petebant
 Verginis & nomen formosæ sæpe vocabant.
 Ut veniam culpæ sibi iam concedere vellet:
 Reddere & has molli caperunt pectore voces,
 O Patris veneranda Parens, ò Filia nati,
 Omnes cælicolæ cui dulcia carmina condunt;
 Auricomus quam sol vestit, stellæq̃ coronant;
 Quam Mare, quam Tellus, Cæth quam regia laudant;
 Quam colimus; meritq̃ sacra veneramur ad Aras,
 Nomen cuius sacratum, ac venerabile numen
 Et Terræ, & Mariæ alia tremunt, & Ianitor Orci.
 O Rosa purpureum, quæ spargis pulchra colorem,
 Ac Myrrha semper gratum quæ fundis odorem;
 O Lucis fons, ò fulgor splendentis Olympi,
 Quæ veluti speculum nitido splendore coruscas:
 O palma, innumeros curuas quæ florida ramos,
 Sub quibus a nobis semper deuincitur ille,
 Ille animæ nostræ Sathanas seuissimus hostis,
 O Genetrix omnis curæ, casusq̃ leuamen,

D

Unigena

*Vnigena ò miseris semper spes unica rebus:
 Tu Dea , tu præsens adsis , tu Diua Dearum ,
 Adspice nos Mater quæso , nos adspice Virgo
 Cunctipara toto protectos corpore Terra ,
 Frigidulos vdo singultus ore cientes ,
 Et lachrymis nos humectentes ora , genasq;
 Atque luentes iam miseranda crimina vita ,
 Crimina quæ medio nos fixa in pectore torquent.
 Funde tuos in nos radios mitissima funde
 Nam nisi sydere eos in nos conuertis ocellos ,
 Durasq; à nobis pœnas auertis , & iras
 Iudicis æterni , nigras ducemur ad umbras.
 At quoniam es dicenda parens , tutela Reorum ,
 Nec non te summis precibus gaudere loquuntur ;
 Te nobis facilem præbe , & succurre precanti :
 Nos vt Diua tuo protecti numine sancto ,
 Angelicam in terris possimus ducere vitam ,
 Atque , suprema vt cum iam nobis venerit hora ,
 Horrida , qua nostros madidos mors claudet ocellos ,
 Tunc liceat tandem Cæli requiescere sede
TANGITE Castalides , vocales tangite chordas ,
 Paucaq; de multis iam facta referte Tonantis .
 Sed quid cuncta ego versu nunc includere tento ?
 Quid ? ne ego nunc potero percurrere talia versu ?
 Non : neque musarum si numine pectus haberem
 Plenum , sufficiam , non si mihi ferrea centum
 Ora sonent , centumq; ærato è gutture lingua .
 Iure tibi grates igitur nunc ò Pater , ò Rex*

Debemus nos, ac celebres dicamus honores:

Sed quis, *CHRISTE*, tuas laudes (esset sibi quamvis
Spiritus altit, qui prorsus iam infusus *Homeri*)

Quæ tibi debentur, speret se æquare canendo?

Omnia vel quis facta pijs tua laudibus æquet?

Dic, quæ nam poterit meritis par gratia reddi,

Omnibus effuse quæ nobis ipse tulisti?

Quanam voce tibi pangam præconia? quonam

Laudes, *CHRISTE*, tuas potero concludere uersu?

Ingentem quis letitiam, quis talia fando

Enumeret dictis, ut non maiora supersint?

Deficeret solers rerum speculator *Homerus*,

Deficeret quoque, Patres, carminis auctor *Apollo*,

Gaudia si uersu uellet comprehendere tanta;

Nunc quibus exultare videtur maximus Orbis.

TANGITE Castalides, vocales tangite chordas,

Paucaq; de multis iam facta referte Tonantis.

Iam nil Tristitiæ, nil sit mæroris: at omnes,

Omnes iam lætè tollamus ad æthera voces,

Omnes, dum licet inter nos lætemur ouantes:

Dulcia fulgenti iungamus gaudia Cælo,

Nectarea implentes cantus dulcedine dios:

Tempus adest etenim mæstos iam linquere fletus.

Expectata diu lux iam suspiria tollit:

O rubicunda dies cunctis celebranda diebus,

O nos felices, lux nobis candida, & alma:

O vos felices, iterumque, iterumq; beatos:

D 2

Nunc

Nunc oneremus iam sacris altaria donis;
Dicamus CHRISTO meritos dicamus honores,
Alti cum Cæli nobis patefecerit oras.
Angelicus nunc ipse chorus iam concinet hymnos,
Ipse dies, noctesq; suos decantet amores,
Ipsaq; sydera sint nullis obscura tenebris:
Fulgidus & pulsa sol tempestate serenet,
Turbida sydereo depellens nubila Cælo,
Alma sono Zephiri iam murmuret aura sereni.
Iam volucres promant idulcis modulamina lingue.
Humida iam celebres late dent littora plausus:
Herbida vernanti letetur terra colore:
Incipiant pueri beneolentes spargere flores,
Ac late violas intextent Amaranthis,
Lucifer & nitido perfundat lumine pontum;
Ignibus accensis resonent atque omnia cantu.
Omnes blandifono tandem, qui carmine pollent
Letifica ad viridas iactent nunc carmina sylvas.
TANGITE Castalides, vocales tangite chordas,
Paucaq; de multis iam facta referte Tonantis.
Surgite io Iuuenes, vos quæso surgite, latam
Sternite humum folijs, manibus date lilia plenis.
Surgite, fumida iam superumq; altaria Diuum
Muneribus cumulate sacris, pro munere tanto,
Candidulas miscete rosas, tenerosq; hyacintos.
Laudibus ò Patres lucem hanc celebrate benigni,
Protinus, & pulchro Regem conspergite nymbo,
Nunc

Nunc omnes lustrate pio de more parentum,
 Et pompis, precibusq; sacris solemniter Urbem:
 Ex oculis planctum, lacrimasq; educite amaras:
 Digna etenim est lux letitia, plausuq; canoro.
 Quæ à vobis etiam ut merito celebretur honore,
 Poplite succiduo pura iam mente rogate
 Rite Deum, ueniam ut letanti pectore donet.
 Surgite, iam somnum tota de mente fugate,
 Iam postes animi gemitu, lachrymisq; piate,
 Ac scelere abluti, & culparum labe maligna,
 AEthereo mentem Cælo conuertite: namque
 Quis uestrum ignorat, Patres vos queso benigni,
 (Ni monitis Patris nos intendisse pigebit)
 Præmia iam nobis CHRISTVS quàm larga pararit?
 Nunc igitur, vos ne pallentes ducat ad umbras,
 Sed potius vos excipiat, lætusq; reponat
 Sydereos inter procures, sedesq; beatas,
 Praui si qua manent scelexu vestigia vestri,
 Omnia nunc lætè queso detergite: namque
 Culpæ præstabit veniam Deus ipse roganti:
 Suppliciter nos ergo preces mittamus ad Aulam:
 Est etenim CHRISTI clementia tanta, benignas
 Ut facile ipse preces iam nostras audiat aure:
 Quare agite, ad cælum palmas tendamus utrasq;
 Ad te ò magne profundi Opifex cæli ò Pater, ò Rex,
 O Rex cælicolùm, magni Patris una propago,
 Longæue Rector naturæ, Inuentor, & Auctor;
Humana

*Humane Dux vite, tutæ fonsq; salutis,
(En flebiles mæste gemitus, lacrymasq; profundens)
Ad te nunc faciles aditus per carmina quero,
Te q; uoco, ingentem & clamorem ad sydera iacto.
O Deus, ò sydus clarum, ò lux aurea, lux quæ
Diuino terras, & cælum lumine comples;
Adspice quæso votis, te precibusq; vocantes:
Adspice tundentes nos pectora tristia palmis:
Discute sydereo iam nubila lumine cordi;
Nostraq; da mens per speculum te cernere possit.
Pectora splendenti lustra iam lampade nostra,
Unanimes quondam altifono qui spiritus omnes
Lustraisti à Patre tunc hylari demissus ab ipso
Discipulos, sacrata religionè nitentes.
Confirma dubios, nostros iam dirige gressus,
Lataliq; animos iam sancti frigore pigros
Ignibus excita, & è nostro de corde reuelle
Torporem, nostros umquam neuè occupet artus;
Mensq; calens CHRISTO adsi: tuè nunc ipsa Tonanti
Perstet, firmam in eo, & spem constituens sibi, terram
Pro nihilo putet, ac terrena mole soluta,
Protinus eois sese lætè inferat astris:
Spiritus, heu, fac pandat iter, fac limite monstret
Sydereo, qua nos cælestia iussa sequamur.
Adspice præcipuè o nostræ spēs certa salutis
Me venerantem versiculuste, CHRISTE, latinis:
Oranti tu dexter ades Moderator Olympi,*

Qui

Qui potes Inferni mihi claudere regna profundis:
 Tu me supplicibus uotis, manibusq; supinis
 Et precibus castis, tu me nunc adspice quæso,
 Adspice mærentem, & lachrymis simul ore rigantem,
 Cordeq; crebra cientem iam suspiria ab alto:
 Ipse meam fædo maculaui crimine vitam;
 Quid facies? cæcis committes me ne tenebris?
 En mea turgescunt roranti lumina fletu,
 Prorsus & exactæ culpas, & crimina vitæ
 Admissa incuso, labes iam rite nephandas,
 Atque ignominias animæ nunc deniq; planctu
 Diluo, & heu, meritas horret mens conscia pœnas;
 CHRISTE meum ipse pati noli euanescere luctum,
 Meq; Herebi Inferni tristes habitare tenebras:
 Rite meæ semper te tangat cura salutis:
 Sic ego, nec furias, nec iam ipsa profunda uidebo
 Tartara; sed cæli felix admittar ad oras,
 Tu mihi quæ iam sint fugienda, sequendaq; monstra,
 Denique, ut ipse tuo feruenti incensus amore,
 Displiceat mihi dehinc rebus seruire caducis,
 Ut, mea cum tumulus tandem contexerit ossa,
 (O Pater en uersu iam tete linquere cogor,
 Semper at ipsa libens tecum mens una manebit)
 Possit sydereas animus conscendere manes.

F I N I S.

Typographi lapsus corrigendi

Pagina 4.a. versu. 2. proferre, proferre.

pag 4.a. ver. 3. contingat, contingant.

pag. 4.a. ver. 22. Unde digressus redeam, Unde digressus sum

pag. 7.a. ver. 21. ipsa uidisset, iam uidisset. (redeam.

pag. 11.b. ver. 14. omnibus obnuite, omnibus abnuite.

pag. 12.b. ver. 17. Credite, nec illos, Credite, neue illos.

pag. 9.b. ver. 9. liber ob Inferni, liber ab Inferni.

